

Samoan - Leaga-Lelei Mafaufau Tusi - Good-Bad Mind Scriptures

Leaga Mafaufau Tusi - Good Mind Scriptures

Mareko 5:15 ‘Ina ‘ua o‘o mai i latou ‘iā lesu na va‘aia e i latou lē sa i ai temoni e tele o lo‘o nofo mai. ‘Ua fai lelei ona lavalava ma ‘ua atamai; ‘ona fefefe ai lea o i latou.

Luka 8:35 ‘Ua ḍ atu fo‘i tagata e matamata i le mea na tupu; ‘ua ḍ mai i latou ‘iā lesu, ‘ona iloa ai lea e i latou le tagata na tulia ai i fafo temoni, o lo‘o nofo i vae o lesu, ‘ua ‘ofu o ia, ma ‘ua atamai; ‘ona matata‘u ai lea o i latou.

Galuega 17:11 ‘Ua sili ‘ona amiolelei i latou nei i lo tagata Tesalonia; auā ‘ua talia e i latou le ‘upu ma le fafia tele, ma ‘ua su‘esu‘e i Tusi i lea aso ma lea aso pe moni nei mea.

Galuega 20:19 Na ‘ou ‘au‘auna i le Ali‘i, ma le loto maulalo ma le maligi o loimata, ‘atoa ma fa‘aosooosoga na o‘o ‘iā te a‘u ‘ona o taupulepulega a tagata lutaia.

Roma 7:25 Fa‘afetai lava i le Atua e ala ‘iā lesu Keriso lo tatou Ali‘i! O lenei, ‘ou te ‘au‘auna atu lava i le tulafono a le Atua i lo‘u mafaufau, peita‘i ‘ou te ‘au‘auna i le tulafono a le agasala i lo‘u tino.

Roma 8:6 O le loto atu i le tino o le oti lea; a o le loto i le Agaga o le ola lea ma le manuia.

Roma 8:27 O lē o lo‘o su‘esu‘e i loto o tagata, ‘ua silafia e ia le finagalo o le Agaga; auā o lo‘o fautua le Agaga mo le au pa‘ia e tusa ma le finagalo o le Atua.

Roma 11:34 Auā o ai ‘ea ‘ua na iloa le finagalo o le Ali‘i? O ai fo‘i lē e mafai ‘ona ‘avea ma ona faufautua?

Roma 12:2 ‘Aua tou te loto atu i lenei lalolagi, a ‘ia liliuina ‘outou i le toe fuata‘iina o ‘outou loto, ‘ina ‘ia ‘outou su‘esu‘e po o le ā le finagalo o le Atua, a o le ā fo‘i le mea e lelei, ma logoleleia, ma ‘ato‘atoa.

Roma 12:16 ‘Ia ‘outou loto gatasi; ‘aua le manatu fa‘amaualuga; ia feoa‘i ma ē e fa‘amaulalo; ‘aua tou te manatu fa‘afiapopoto.

Roma 14:5 E manatu le tasi e sili le isi aso i lo le isi aso; ‘ae manatu fo‘i le isi e tutusa lava aso uma. ‘Ia mautinoa e le tagata lava ia lona manatu.

Roma 15:6 ‘Ina ‘ia ‘outou vivi‘i atu i le Atua, le Tamā o lo tatou Ali‘i o lesu Keriso, ma le loto e tasi ma le leo e tasi.

1 Korinito 1:10 Le au uso e, ‘ou te ‘ai‘oi atu ‘iā te ‘outou i le suafa o lo tatou Ali‘i o lesu Keriso, ia tasi ‘outou i ‘upu tou te fai atu ai, ‘Ina ‘ia leai ni

fevaevaea'iga 'iā te 'outou; a 'ia matuā fa'atasia i le loto e tasi ma le manatu e tasi.

1 Korinito 2:16 Auā po o ai 'ua na iloa le mafaufau o le Ali'i? O ai e mafai 'ona a'oa'oina o ia? A 'ua tatou maua le mafaufau o Keriso.

2 Korinito 7:7 e lē na o lona o'o mai, a o le fa'amafanafanaga fo'i na fa'amafanafanaina ai o ia e 'outou. Na ta'u mai e ia 'iā te i matou lo 'outou naunau e fia va'ai 'iā te a'u, o lo 'outou fa'anoanoa, ma lo 'outou mā'elegā 'iā te a'u, o lea 'ua fa'ateleina ai lo'u 'oli'oli.

2 Korinito 8:12 Auā 'āfai e i ai le loto fiafia, o le a talia lelei lava e tusa ma mea 'ua 'iā te ia, 'ae lē o mea e lē o 'iā te ia. (1 Nofoaiga a Tupu 28:9)

2 Korinito 9:2 'Ua 'ou iloa lo 'outou loto fesoasoani; na 'ou mitamita ai 'iā te 'outou i tagata Maketonia, ma 'ua fa'aali atu 'iā te i latou 'ua saunia Akaia talu mai le tausaga 'ua mavae. O lo 'outou mā'elegā na fa'agae'etia ai le to'atele o i latou.

2 Korinito 13:11 Uso e, o le toe 'upu lenei, 'ia 'outou manuia, 'ia fa'a'ato'atoaina 'outou, 'ia 'outou lototetele, 'ia 'outou loto gatasi 'ia 'outou fifilemū, ma 'ia 'iā te 'outou le Atua e ona le alofa ma le manuia.

Efeso 4:23 a 'ia toe fa'afouina mana'o o 'outou loto;

Filipi 2:2-5 'ia 'outou fa'a'ato'atoaina lo'u 'oli'oli, 'ina 'ua gatasitasi o 'outou manatu ma tasi lo 'outou alofa, 'ua 'outou loto gatasi fo'i ma manatunatu i le mea e tasi. 3 'Aua ne'i faia se mea e tasi ma le manatu fa'apito ma le mitamitavale; a 'ia ta'ito'atasi 'outou ma manatu ifo ma le loto maulalo, e sili isi tagata i lo ia. 4 'Aua ne'i ta'ito'atasi 'outou ma va'ava'ai tau lava o mea e fiafia i ai o ia; a 'ia va'ava'ai fo'i i mea e fiafia i ai isi tagata. 5 'ia 'iā te 'outou le manatu lenei o lo'o 'iā Keriso lesu,

Filipi 4:2 'Ou te 'ai'oi atu ia Evotia, 'ou te 'ai'oi atu fo'i ia Sunetui, 'ina 'ia loto gatasi i lā'ua i le Ali'i.

Filipi 4:7 O le manuia fo'i mai le Atua, o lo'o silisili lava i mea uma e manatu i ai, e leoleoina ai o 'outou loto 'atoa ma o 'outou mafaufau 'iā Keriso lesu. (Isaia 26:3)

Kolose 3:12 O lenei, 'ia 'outou 'o'ofu i le alofa mutimutivale, ma le agalelei, ma le loto maulalo, ma le agamalū, ma le 'onosa'i, fa'apei o ē 'ua filifilia e le Atua, o ē 'ua pa'ia ma 'ua alofaina.

2 Tesalonia 2:2 'Aua ne'i vave lūlūina o 'outou loto, pe fa'aatuatuvalaveina i se agaga po o se 'upu, po o se tusi e peiseaī e avatu mai 'iā te i matou, e fa'atupu ai se manatu 'ua o'o mai le aso o le Ali'i.

2 Timoteo 1:7 Auā e le'i foa'iina mai 'iā te i tatou e le Atua le agaga e fefefe ai; a o le mana ma le alofa, ma le amio pulea.

Tito 2:6 'Ia fa'apea fo'i 'ona apoapoa'i atu i taulele'a 'ia fa'autauta i latou.

Eperu 8:10 A o le feagaiga lenei 'ou te osia ma le 'āiga o Israelu pe a

mavae atu ia aso, o lo'o fetalai mai ai le Ali'i: 'Ou te tu'uina atu a'u tulafono i o latou mafaufau, ma 'ou tusia i o latou loto; e fai fo'i a'u ma o latou Atua, e fai fo'i i latou ma o'u nu'u.

1 Peteru 1:13 O le mea lea, ia mataala ma fa'autauta. 'Ia tu'uina atu 'ato'atoa lo 'outou fa'amoemoe i le alofa tunoa e 'aumaia e lesu Keriso 'iā te 'outou pe a fa'aalia mai o ia.

1 Peteru 5:2 'Ia 'outou leoleoina le lafu mamoe a le Atua o lo'o 'iā te 'outou, ma 'ia tausi i ai ma le loto, 'ae lē o le fa'atauānauina; 'aua ne'i faia a 'outou galuega 'ona o le fia fai 'oloa, a o le loto fiafia.

2 Peteru 3:1 A'u uō e, o la'u tusi e lua lenei 'iā te 'outou. O ia tusi e lua na 'ou taumafai ai e fa'atupu mafaufauga mamā i o 'outou mafaufau, i lo'u fa'amanatu atu 'iā te 'outou o nei mea.

Iakopo 1:17 O mea lelei uma lava e foa'iina mai, 'atoa ma meaalofa e 'ato'atoa 'ona lelei, e foa'iina mai lugā e le Tamā o malamalama, e lē fesuisua'i pe feliuliua'i o ia. (Ipou 23:13)

O Le Fa'aaliga 17:9 "O le mea lenei e tusa ai le mafaufau 'ua i ai le poto. O ulu e fitu o mauga ia e fitu, 'ua nofo ai le fafine. O tupu fo'i ia e to'afitu.

Lelei Mafaufau Tusi - Bad Mind Scriptures

Mareko 7:21 Auā e sau mai totonu o le loto o le tagata manatu leaga e pei o le faita'aga ma le gaoi ma le fasioti tagata, (Esekielu 38:10)

Luka 12:29 "O le mea lea, 'aua ne'i fa'avevesivaleina o 'outou loto i le manatu i ni mea tou te 'a'ai ai, ma mea tou te feinu ai.

Galuega 12:20 'Ua ita tele Herota i Turo ma Saitonu; a 'ua ō mai fa'atasi i latou 'iā te ia, ma 'ua fa'aoleole e i latou Pāso le leoleo tofaga o le tupu, 'ona ōle atu lea o i latou mo se filemū; auā na fafagaina lo latou nu'u e le nu'u o le tupu.

Galuega 14:2 Peita'i o tagata lutaia lē fa'atuatua, 'ua fa'aoso ma fa'aita e i latou loto o tagata o Nu'u 'ese i le au uso.

Roma 1:28 'Ona 'ua lē mafai e i latou 'ona manatua pea le Atua i o latou mafaufau, o lea 'ua tu'uina atu ai i latou e le Atua e fai o latou manatu sesē ma amioga leaga.

Roma 8:6,7 O le loto atu i le tino o le oti lea; a o le loto i le Agaga o le ola lea ma le manuia. 7 Auā o le loto i le tino o le ita lea i le Atua; e lē usiusita'i fo'i i le tulafono a le Atua, ma e matuā lē mafai lava 'ona usiusita'i i ai.

Roma 11:20 E moni lava. 'Ua gau'i'eseina i latou 'ona o lo latou lē fa'atuatua,

a o lo'o tumau oe 'ona o le fa'atuatua; o lea, 'aua 'e te fa'amaualuga, a 'ia e mata'u.

2 Korinito 10:5 ma mea maualuluga uma e tete'e atu i le poto o le Atua; 'ua fa'ato'ilaloina fo'i mafaufauga uma, 'ina 'ia usiusita'i ai 'iā Keriso;

2 Korinito 11:3 A 'ou te fefe 'ina ne'i ta'ita'i'eseina o 'outou manatu ia lē fa'amaoni 'iā Keriso, fa'apei 'ona fa'asesēina Eva e le gata i lana togafiti.

Efeso 2:3 O i tatou fo'i tagata 'ua fa'apei o i latou na ola e tusa ma tu'inanau o tatou lava tino, na fa'ataunu'uina fo'i e i tatou mana'o o le tino ma le mafaufau; na fānau mai fo'i i tatou o le fānau a le to'asā fa'apei o isi fo'i.

Efeso 4:17 O le mea lea 'ou te fai atu ma ta'utino atu i le Ali'i, 'aua ne'i savavali 'outou fa'apei o Nu'u 'ese, o lo'o savavali i le valea o latou loto.

Kolose 1:21 O 'outou fo'i, o ē sa tagata 'ese anamua, ma sa 'avea o ia ma o 'outou fili i o 'outou loto, i lo 'outou faia o mea leaga. (**Faataoto 21:27; Esekielu 23:17**)

Kolose 2:18 'Aua lava ne'i ta'ulēaogāina 'outou e se tagata, 'ona 'ua sili i lea tagata le fa'amaulalo ma ifo atu i agelu, ma 'ua fa'alagolago fo'i i mea e va'aia, ma 'ua fa'afefeteina ai fua lona lava mafaufau fa'aletino.

1 Tesalonia 5:14 Uso e, matou te 'ai'oi atu 'iā te 'outou, 'ia 'outou apoapoa'i atu i ē e paiē, 'ia fa'amafanafana i ē e loto vāivāi, ia fa'amalosi i ē e vāivāi ma 'ia 'outou 'onosa'i i tagata uma lava.

2 Tesalonia 2:2 'Aua ne'i vave lūlūina o 'outou loto, pe fa'aatuatuvaleina i se agaga po o se 'upu, po o se tusi e peiseaī e avatu mai 'iā te i matou, e fa'atupu ai se manatu 'ua o'o mai le aso o le Ali'i.

1 Timoteo 6:5 o le finauvale o tagata lotoleaga, o ē 'ua tete'a ma le 'upu moni. 'Ua manatu i latou o le amioatua o le ala lea e maua ai le tamao'āiga.

2 Timoteo 3:8 E pei o lani ma lameri o ē na tete'e atu ia Mose, e fa'apea fo'i 'ona tete'e atu o nei tagata i le 'upu moni. 'Ua lotoleaga 'ina 'ua lē fa'amaoni i latou i la le 'upu moni.

Tito 1:15 'Ua mamā mea uma ia i latou o ē 'ua mamā, auā e o'o lava i o latou mafaufau ma o latou loto fuatiaifo e 'ele'elea.

Eperu 12:3 'Ia 'outou manatu i lē na 'onosa'i i le fa'atū'i'ese mai o tagata agasala 'iā te ia, 'ina 'ia lē fa'avaivai o 'outou loto ma 'outou lē lavātia.

Iakopo 1:8 o le tagata fa'alotolotolua e fa'alētumau o ia i ona ala uma.